

Tito

Pablo Titore gojabeopu

¹ Yuhu Pablo mare Titore gojaa. Goamu pohro majagu, Jesucristo yare igu buhedore igu apidigu ahraa. Goamu igu beyenira Jesure era umupeoburire, dari buherire era masiburire Jesu buhedoregu yure apimi. Iri buheri Goamu igu doreldiro dopa ta mari iiburire werea.

² Eropigu aripehrerinari Goamu yara umarogue era daro ariniguiboro sare buhea erare. Goamu ne guyari marigu i yebare igu ihacunuguboro core "Yu pohrogue eropa daro ariniguicaracoma," ar i apipu marire.

³ Eropigu igu queoranu aricu igu eropa ar i apirare masidoredigu arimi masare. Eropa ta masidoregu yure erare weredoremi igu marire taugu.

⁴ Mare Jesu yare buhebu. Yu eropa buhecú peegu, Jesure umupeonugabu muhu yu umupeoro dopa. Eropigu muhu yu buhedigu arigu diaye ta yu magu iro dopa arigu ta iiaa. Mare ire gojabeogu iiaa. Eropigu Goamu mari Pagu, Jesucristo marire taugu itamuri mera mare odadorea. Igu itamuri mera daro arique muhu.

Creta waicuri nuguero majare Tito igu wereburire werepu Pablo

⁵ Creta waicuri nuguero yu mare apicu Jesu yara era buheboro duhyanibu irisubure. Eropigu era iiburire werebure apibu yuhu mare.

Eropigu macari nũcu majarã Jesu yarã oparã árĩmorãre beyedoregu apibũ mũre.

⁶⁻⁸ Erã oparã Goãmu pohro majarã àhrima. Eropigu erãre beyegu òarãre beyeque gajiropa iibirãre. Eropigu yujugo ta marapocurã árĩrãre beyeque. Eropigu “Bu árĩgu àhraa yũhũ,” arĩ pepirãre beyeque. Eropigu mata guabirãre, merebirãre, masa mera gamequeãbirãre, niyerure gamebirãre beyeque. Eropa beyegu erã ya wihire ñajarãre òaro ìhadiburãre, òaripũre sũarãre, pee masirãre, òaripũre iiniguirãre, ñeri marirãre, erã ùaribejarire iibirãre, teboru mariro mohmerãre, òarire iiniguirãre beyeque. Eropirã mũa beyerã porãre òpa árĩro gahmea. Jesure umupeorã, òarire iiniguirã, árĩpehrerãre òaro yũhrirã árĩro gahmea oparã porãre.

⁹⁻¹⁰ Eropirã òari buherire queoro mari buhediro dopa ta ne duhubirã árĩporo oparã mũa beyenirã. Eropirã òari buherire wererã árĩrãcoma. Eropa iirã òari buherire gamebirãre buherã erã ya gũyari árĩcũ masicũ iirãcoma erã. Eropigu òaro beyeque Jesu yarã weca oparã árĩpehrerãre.

Bajarã erã oparãre tarinũgarã, òaro pepi wereniguibirã, gũyarã àhrima dohpaguere. Eropa iirã yujurãyeri Moise dorerire iidorerã tamera ñetariaro iirã iima. Erã buheri iri diaye árĩbircũ erãre masicũ iiro gahmea.

¹¹ Erã Moise dorerire iidorerãpũ gũyarire buherã niyerure wajatadiarã buhema. Eropa buherã yujuyeri wiri majarãre árĩpehrerãre Goãmu yapũre cóãcũ iirã iicoma erã. Erã eropa iicũ erãre iidorebircãro gahmea.

12 Iribojegue weredigũ Creta majagũ árĩqueregũ ta õpa arĩ werepũ: “Creta nuẽro majarã eropa guyaniguirã waĩcũma. Ñerire iirã diayea iro dopa iirã ãhrima. Eropirã pagari barã árĩrã ne mohmediabeama,” arĩpũ ãgũ ãgũ ya nuẽro majarãre.

13 ãgũ eropa arĩra diaye ta ãhraa. Erã eropa árĩcũ ãagũ erãre turaro wereque Jesu ya buheripũre erã õaro pee masiboro dopa.

14 Eropigũ “Judio masa iribojegue majarã erã arĩ bocarare peebiricãque,” arĩ wereque erãre. Jesu yare gamebirã erã doreri sãre Creta majarã erã peenurũbiriborore wereque erãre.

15 Õpa ãhraa. Dipuwaja marirã õari dihtare pepima. Ñerire iiniguirãpũ ñeri dihtare pepima. Erã pepiripũ ñetaria. Eropirã õaripũre beyemasibeama.

16 Erã “Goãmũre masia gua,” arĩquererã ta ñerire iima. Eropa iinirã erã árĩcũ ãarã Goãmũre masibirã erã árĩcũ masia mari. Eropirã erã ñetariarã, Goãmũ yare tarinũgarã ãhrima. Eropirã õarire iimasibeama.

2

Õari buherire weredorepũ Pablo Titore

1 Mũpũ buhegu õari buheri arĩdiro dopa ta õaro buheque.

2 Mũrãpũre õpa wereque: “Mũa guhyadiarã, masa erã umupeorã, pee masirã, ‘Goãmũ diaye ãgũ ãhrimi,’ arĩ umupeorã, õari buherire õaro iirã, Jesure masa sãre mahirã, ñero tariquererã ta yujuro bojerã árĩque,” arĩ wereque erãre.

³ Murã nome sãre eropa ta arĩ wereque: “Gũhyadiarã nome, ñeri quere werewuabirã nome, merebirã nome árĩque,” arĩ wereque erã nome sãre. Eropirã erã nome òarire gajirãre buheporo.

⁴ Eropa iirã òpa arĩ buheporo murã nome nómeñaripũre: “Mũa marapũ sũmarãre mũa porã sãre mahique,” arĩ buheporo.

⁵ “Eropirã mũa pee masirã nome, gajirã ũa mera ñero iibirã nome, mũa ya wihi majare òaro ñhadiburã nome, òaro iirã nome, mũa marapũ sũmarãre òaro yũhrirã nome árĩque,” arĩ buheporo murã nome nómeñaripũre. Erã eropiicũ ñarã gajirãpũ “Goãmũ yare umupeorã ñero iirã ãhrima,” arĩmasibeama mũare.

⁶ Eropigũ mamarã sãre òpa wereque: Pee masirã árĩporo erã.

⁷ Eropigũ mũpũ òari dihtare iiniguicãque mũre erã ñhacũburire. Buhegũ ne gũyaro mariro buheque. Eropa buhegũ gũhyadiaro mera buheque mũhũ.

⁸ Eropa buhegũ òaro pee masiri mera buheque ne gajirã mũre erã weresãmasibiriburire. Mũ eropa buhecũ ñarã marire ñhaturirã árĩquererã ta marire bu gohra ta werewuamasibeama. Marire eropa werewuamaacãrã gũhyasiuro warãcoma erã.

⁹ Eropigũ pohro majarãre òpa doreque: Erã oparãre òaro yũhrirã árĩporo. Eropirã erã oparãre òaro mucubiricũ iiporo. Eropa dihta iiporo. Eropirã erã oparãre pũriro mera yũhribiricãporo.

¹⁰ Eropirã erã oparã yare yajabiricãporo. Eropirã òarã erã oparã dorerire òaro iiniguicãrã árĩporo. Erã eropa òaro yãhrirã árĩcũ ïarã Goãmũ marire taugũ ïgũ buherire pee sũarãcoma gajirã.

¹¹ Masare ïgũ mahirire Goãmũ mari masare masicũ iituhajami. Mari masare eropa mahigũ árĩpehrerã peamegue wabonirãre Goãmũ turaro taudiami.

¹²⁻¹³ Masare eropa mahigũ Goãmũ marire òpa doremi: Ñeri iirire, ñerire ùaribearire duhucãdoremi marire. Goãmũ turagũ, Jesucristo marire taugũ ïgũ òarire mari ïaburinũre, ïgũ òaro mera dujariburinũre mari corerã iiaa. Eropigũ mari corerinũ mari corerisubu, mari pee masirã, òarire iiniguirã, Goãmũre umupeoniguirã marire árĩdoremi Goãmũ.

¹⁴ ïgũ Jesucristo mari ya árĩburire ta sĩridi árĩmi. Árĩpehrerã mari ñeri iirire duhucũ iibu, marire ïgũ yarã wacũ iibu sĩridi árĩmi. Mari ñerire ïgũ eropa cóãcũ mari ñerire iira dipuwaja marirã árĩrãca. Eropirã turaro òarire iidiarã árĩrãca.

¹⁵ Ire árĩpehrerire iri nũguro majarãre Jesu yarãre buheque mũhũ. Erã opũ árĩgũ ta iiaa mũhũ. Eropigũ erãre wereque. Eropigũ erã ñerire iicũ ïagũ wereque erãre. Eropirã árĩpehrerã gajirã mũre cóãdiabiricãporo.

3

Jesu yarã erã iiburire werenemopũ Pablo

¹ Ōpa guñacũ iique ero majarã Jesu yarãre: Erã oparãre òaro yũhrirã árĩporo. Eropirã árĩpehrerire òari dihtare iirã árĩporo.

² Eropirã gajirãre ne quere goroweobiricãporo. Game ðuyasobiricãporo. Eropirã masa òarã, árĩpehrerãre umupeorã árĩporo.

³ Iribojegue mari sã pee masibirã, tarinugarã, gũyarire peenururã, ñerire iisuarã, ñerire Ɂaribeja duhumasibirã, Ɂmuri nɁcu ñerire iiniguirã, gajirãre erã gajinore opacũ ìhaturirã árĩmũriribũ mari sã. Eropirã marire gajirã ìhaturimũrima. Eropirã mari sã erãre ìhaturimũriribũ.

⁴⁻⁵ Eropa árĩnirã árĩquerecũ ta Goãmũ marire peamegue wabonirãre taumi. Eropa taugũ ìgũ ìgũ òagũ árĩrere, masare ìgũ mahirire marire ìhmudi árĩmi. Ōaro mari iira mera taubirimi marire. Marire mojomoro ìagũ mari ñeri iirare coegũ Espĩritu Santo mera marire taumi. Eropa iigũ marire ìgũ porã wacũ iimi. Eropigũ Espĩritu Santopũ mari òarã árĩburire marire gohrotomi.

⁶ Jesucristo mari ñeri iira dipuwaja ìgũ sĩri, masa mũriara mera Goãmũ ìgũ Espĩritu Santore omi marire wũaro ìgũ turarire mari opaboro dopa.

⁷ Marire mahigũ, marire òaro iidiami. Eropigũ ìgũ, ìgũ Espĩritu Santore omi, ñeri iira dipuwaja marirã mari árĩborore, Ɂmarogue mari eropa òaro árĩniguicãborore. Mari eropa árĩniguiburire masirã irire mucubiri corerã iiaa mari.

⁸ Iri yũ werera diaye ta ãhraa. Eropigũ irire yũ werediro dopa ta masare buhegũ iri dorerire

iipehodoreque m̄h̄. Eropigu Goãmure umupe-orãre irire buheque ðarire erã ðaro iiboro dopa. I yu arĩ buhera ðari buheri ãhraa. Eropirã masa i buherire erã peenuracũ ðaro itamuri árĩroca erãre.

⁹ Gajirã wereniguiripu duhpiburi árĩbeaa. Erã masibiriqererã ta erã arĩ d̄yasoma. Erã ñecũ sumarã arĩ bocarare game d̄yasoma. Moise dorerire arĩ d̄yasoma. Erã eropa arĩ d̄yasori iri árĩpehreri duhpiburi árĩbeaa. Eropigu irire peenurabiricãque. M̄ sã d̄yasobiricãque.

¹⁰ M̄na mera majagu eropa game d̄yasogu m̄na basi game d̄ca wacũ ĩgu iicũ ĩagu “Iibiricãque,” arĩque ĩgure. Yujusubu, pesubu irire ĩgure m̄ iidorebirira p̄hrũ ĩgu ȳhribiricũ ĩagu ĩgure wapicũ duhucãque.

¹¹ Eropa d̄yasogu ñeri dihtare Ɂaribejanigu ģãhrimi. Eropa ĩgu iicũ ĩarã ĩgu ñegũ árĩcũ masi, ĩgure wapicubiricãro gahmea.

Pablo doretupu

¹² Nicopoligue puhirópẽ árĩbu iiaa. Eropigu Artemare o Tíquicore m̄ pohrogue yu obeom̄htacũ erogue yure bocatĩrigũ árĩque m̄h̄.

¹³ Eropigu dorerire ðaro mehregare Zena waĩcugare, Apolo sãre ðaro itamuque erã waborore. Eropigu erã gamerire árĩpehrerire oque erãre d̄hyaro mariro.

¹⁴ Eropirã Jesu yarã mari mera majarã ðarire iipoporo. Gajinore opapehobirãre erã itamuboro

dopa, õarire iiniguirã erã árĩboro dopa eropa iiporo.

Pablo õadorebeopũ Jesu yarãre

¹⁵ Árĩpehrerã yũ mera majarã mũre õadorema. Ero árĩrã Jesu yarã guare mahirã õaporo. Árĩpehrerãre mũare Goãmũ ĩgũ mahiri mera turarõ õadorema. Eropã ta árĩniguicãporo. Iripẽta ãhraa.

Desano

Desano: Goñmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source
files dated 1 May 2025

17771afc-c309-57fd-9ff3-2d5a0cd59ff1